



Broj: UP-I-KSI-09-21/22
Datum: 05.05.2023. godine

Na osnovu člana 25. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21), Komisija za odlučivanje o sukobu interesa, postupajući po službenoj dužnosti, u predmetu utvrđivanja povrede odredaba zakona od strane M. Š., iz Brčkog, [REDACTED], zastupnik u Skupštini Brčko distrikta Bosne i Hercegovine, na 54. sjednici održanoj dana 05.05.2023. godine, donijela je sljedeće

RJEŠENJE

- I. **UTVRĐUJE SE** da je M. Š., iz Brčkog, [REDACTED], Brčko distrikt, zastupnik u Skupštini Brčko distrikta Bosne i Hercegovine, kao nosilac javne funkcije, postupila protivno članu 19. stav (1) i (2) i člana 20. Zakona o sprečavanju sukoba interesa u institucijama Brčko distrikta Bosne i Hercegovine, na način da na obrascu o imovinskom stanju nosioca javne funkcije, bračnog i vanbračnog druga, djece i drugih članova porodičnog domaćinstva kao i lica prema kojima nosilac javne funkcije ima zakonsku obavezu izdržavanja-Aneks II, nije prijavila pokretnu imovinu, podnesenom dana 09.12.2021. godine Komisiji za odlučivanje o sukobu interesa.
- II. Za učinjeno kršenje odredaba Zakona o sprečavanju sukoba interesa u institucijama Brčko distrikta Bosne i Hercegovine, M. Š. se shodno članu 43. Zakona o sprečavanju sukoba interesa u institucijama Brčko distrikta Bosne i Hercegovine izriče opomena.

Образложење

Komisija za odlučivanje o sukobu interesa je po službenoj dužnosti Zaključkom broj: UP-I-KSI-09-21/22 od 09.12.2022. godine, pokrenula postupak za odlučivanje o povredi odredaba Zakona o sprečavanju sukoba interesa u institucijama Brčko distrikta Bosne i Hercegovine protiv nosioca javne funkcije M. Š., zastupnik u Skupštini Brčko distrikta Bosne i Hercegovine, jer je posumnjala u tačnost i potpunost podataka u podnesenom Izvještaju o imovinskom stanju na obrascu o imovinskom stanju nosioca javne funkcije, bračnog i vanbračnog druga, djece i drugih članova porodičnog domaćinstva kao i lica prema kojima nosilac javne funkcije ima zakonsku obavezu izdržavanja-Aneks II, zbog neusklađenosti između prijavljene imovine u Izvještaju o imovinskom stanju, podnesenom dana 09.12.2021. godine od strane nosioca javne funkcije Komisiji i podataka prikupljenih od nadležnih organa i institucija o pokretnim stvarima vrijednosti veće od 5.000,00 KM nosioca javne funkcije, jer

nosilac javne funkcije nije prijavila odnosno unijela u Izvještaj o imovinskom stanju pokretnu stvar vrijednosti veće od 5.000,00 KM nosioca javne funkcije, tačnije putnički automobil, marka: MERCEDES-BENZ, tip: 219, registarske oznake: [REDAKTIRANO], godina proizvodnje: 2008, vlasništvo M. Š., nosioca javne funkcije, čime je postupila protivno članu: 19. stav (1) i (2) i članu 20. Zakona o sprečavanju sukoba interesa u institucijama Brčko distrikta Bosne i Hercegovine.

Nosilac javne funkcije je istim zaključkom pozvana da Komisiji za odlučivanje o sukobu interesa dostavi izjašnjenje u roku od 15 dana od dana dostavljanja zaključka.

Nakon prijema Zaključka o pokretanju postupka, broj: UP-I-KSI-09-21/22 od 09.12.2022. godine, zaprimljen 24.12.2022. godine, M. Š., zastupnik u Skupštini Brčko distrikta Bosne i Hercegovine, kao nosilac javne funkcije je dana 30.12.2022. godine dostavila Komisiji za odlučivanje o sukobu interesa pisano Izjašnjenje u kojem, između ostalog, navodi da je predmetni automobil vlasništvo njenog sina E. Š., ali da u trenutku registrovanja automobila nije mogao da registruje na svoje ime zbog postojećih kazni, te da je zbog toga registrovano na njeno ime. Navodi, da zbog namjere prodaje automobila i neznanja da je ona vlasnik, isti nije navela u obrascu, te je dostavila uz Izjašnjenje i kopiju Ugovora o posredovanju u trgovini i motornim vozilima broj: 10889 navedeno je da je isti zaključen dana 22.09.2022. godine u Brčkom, između M. Š. i posrednika Usluge prevoza [REDAKTIRANO], te da je kupac [REDAKTIRANO] kupio sporni automobil.

Međutim, uvidom u dopis Odjeljenja za javni registar Vlade Brčko distrikta Bosne i Hercegovine broj: 12-000208/23 od 25.01.2023. godine, utvrđeno je da ista ima navedeno registrovano vozilo na sebi, nije provedana prodaja u navedenom Odjeljenju.

M. Š. je Odlukom o potvrđivanju i objavljivanju rezultata lokalnih izbora u Bosni i Hercegovini 2020. godine, član 1.3a Izbornog zakona BiH, a Uvjerenjem Centralne izborne komisije, broj: [REDAKTIRANO] godine imenovana za zastupnika u Skupštini Brčko distrikta Bosne i Hercegovine, te je shodno članu 2. Zakona o sprečavanju sukoba interesa u institucijama Brčko distrikta Bosne i Hercegovine nosilac javne funkcije i upisana je u Registar javnih funkcija i nosilaca javnih funkcija.

Primjenom navedenih zakonskih odredaba na utvrđeno činjenično stanje, ocjenjeno je da u konkretnom slučaju postoji povreda Zakona o sprečavanju sukoba interesa u institucijama Brčko distrikta Bosne i Hercegovine, obzirom na to da M. Š. nije izvršila dopunu Izvještaja o imovinskom stanju u roku od 30 dana od dana nastanka promjene, odnosno nije prijavila pokretnu stvar vrijednosti veće od 5.000,00 KM, te je postupila protivno gore navedenom članu Zakona o sprečavanju sukoba interesa u institucijama Brčko distrikta Bosne i Hercegovine.

Član 38. Zakona o sprečavanju sukoba interesa u institucijama Brčko distrikta Bosne i Hercegovine propisuje sankcije za nosioca javne funkcije koji postupi suprotno odredbama navedenog Zakona.

Komisija je, shodno članu 43. Zakona o sprečavanju sukoba interesa u institucijama Brčko distrikta Bosne i Hercegovine, prilikom odlučivanja o vrsti sankcije koju treba izreći u konkretnom slučaju, a pri tome vodeći računa o težini i posljedicama povrede Zakona, te se prema njenom postupanju i odgovornosti, ličnosti nosioca javne funkcije, odnosu imenovane prema kršenju odredaba Zakona kao i opredijeljenosti imenovane da postupi u skladu sa Zakonom, te otkloni razloge koji su doveli do kršenja odredaba Zakona kao i prouzrokovanoj posljedici, radi o očito lakšem obliku kršenja odredaba Zakona, koje nisu nanijele štetu

integritetu javne funkcije koju M. Š. obavlja, Komisija je stava da izrečena opomena u potpunosti odgovara težini i posljedicama povrede Zakona.

Komisija je, cijeneći sve dokaze pojedinačno i u međusobnoj vezi, shodno članovima 4., 25. i 43. Zakona, donijela rješenje kao u dispozitivu.

Odluka Komisije bit će objavljena na službenoj Internet stranici Komisije.

POUKA O PRAVNOM LIJEKU:

Shodno članu 37. stav (1) Zakona, ovo rješenje je konačno u upravnom postupku i protiv istog nije dopuštena žalba, ali stranka može pokrenuti upravni spor u roku od 30 dana od dana dostavljanja rješenja, tužbom pred Osnovnim sudom Brčko distrikta Bosne i Hercegovine.

Predsjednik Komisije
za odlučivanje o sukobu interesa

Admira Mujić, dipl. pravnik

Dostavljeno:

1. [REDACTED],
2. Internet stranici Komisije,
3. Evidenciji i
4. Arhivi.